



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ
ԸՆԴՀԱՆՈՒՐ ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
Ո Ր Ո Շ ՈՒ Մ
ՀԱՅՑԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ
ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ ՆՇԱՆԱԿԵԼՈՒ ՄԱՍԻՆ**

15.09.2023թ.

ք. Երևան

Հայաստանի Հանրապետության Երևան քաղաքի առաջին աստիճանի ընդհանուր իրավասության քաղաքացիական դատարանի (այսուհետ նաև՝ Դատարան) դատավոր Ն. Հարությունյանս, քննության առնելով առնելով «Շինարար-97» ՍՊԸ (այսուհետ նաև՝ Հայցվոր) հայցադիմումն ընդդեմ «Հայաստանի հեռուստատեսային և ռադիոհաղորդիչ ցանց» ՓԲԸ (այսուհետ նաև՝ Պատասխանող)՝ պայմանագրի միակողմանի լուծումն անվավեր ճանաչելու և պայմանագրային իրավահարաբերությունները վերականգնելու պահանջների մասին, վարույթ ընդունելու հարցը,

Պ Ա Ր Ձ Ե Ց Ի

Հայցվորի ներկայացուցիչ Աննա Գրիշայի Դավթյանը 16.08.2023 թվականին հայցադիմում է մուտքագրել Դատարան ընդդեմ Պատասխանողի՝ պայմանագրի միակողմանի լուծումն անվավեր ճանաչելու և պայմանագրային իրավահարաբերությունները վերականգնելու պահանջների մասին: Հայցադիմումը դատավորի աշխատակազմին է հանձնվել 17.08.2023թ.:

Դատարանի 21.08.2023 թվականի որոշմամբ հայցադիմումը վերադարձվել է: Որոշումը, հայցադիմումը և կից փաստաթղթերը հայցվորի ներկայացուցիչը ստացել է 04.09.2023թ.:

Հայցադիմումը կրկին ներկայացվել է 11.09.2023 թվականին (փոստային ծառայությանն է հանձնվել 06.09.2023թ.)՝ հայցադիմումի վերադարձման համար հիմք հանդիսացած թերությունները շտկված: Կրկին ներկայացված հայցադիմումը դատավորի աշխատակազմին է հանձնվել 12.09.2023 թվականին:

ՀՀ քաղաքացիական դատավարության օրենսգրքի 234.6-րդ հոդվածի 1 ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

ՀՀ քաղաքացիական դատավարության օրենսգրքի 234.5 ըրդ հոդվածի 2 ըրդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառարանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

Քննության առնելով հայցադիմումը, ուսումնասիրելով կից ներկայացված փաստաթղթերը՝ Դատարանը գտնում է, որ ներկայացված հայցադիմումը համապատասխանում է ՀՀ քաղաքացիական դատավարության օրենսգրքի պահանջներին, առկա չեն հայցադիմումի ընդունումը մերժելու կամ հայցադիմումը վերադարձնելու հիմքեր:



Ղեկավարվելով ՀՀ քաղաքացիական դատավարության օրենսգրքի 234.5-րդ, 234.6-րդ հոդվածներով՝

Ո Ր Ո Շ Ե Ց Ի

1. «Շինարար 97» ՍՊԸ հայցադիմումն ընդդեմ «Հայաստանի հեռուստատեսային և ռադիոհաղորդիչ ցանց» ՓԲԸ՝ պայմանագրի միակողմանի լուծումն անվավեր ճանաչելու և պայմանագրային իրավահարաբերությունները վերականգնելու պահանջների մասին, ընդունել վարույթ և համարել Դատարան ներկայացված այն սկզբնապես ներկայացնելու օրը:

2. Քաղաքացիական գործով եզրափակիչ դատական ակտը հրապարակել 2023 թվականի հոկտեմբերի 24-ին՝ դատական իշխանության պաշտոնական կայքում:

• 3. Որոշումն ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ՝



Ը. ԿԱՐԻՄՈՎՅԱՆ

